

Jueznan a baha pisa

14 aña y 6 luna reparti pa traficantenan di droga

ORANJESTAD(AAN) -- Ayera Corte a baha pisa ariba algun traficantenan di droga. Notable ta cu e total di 14 aña y 6 luna a worde reparti pa e traficantenan.

tencia e homber A.N.W., kende ta worde acusa di a trafica cocaina pa Hulanda, na 6 aña di prison, kitando e tempo cu el a pasa den detencion.

Juez mr. Lafleur, kende a trata e caso contra e homber-

nan V.G.A. y O.E.A., ta haya cu a keda legalmente proba cu V.G.A. intencionalmente a viola e ley di droga y pesey a condene na 4 aña y 6 luna di prison kitando e tempo cu el a pasa den detencion preventivo.

Pa loke ta trata O.E.A. Juez a condene na 6 aña di prison, kitando e tempo cu el a pasa den detencion preventivo.

Aki a keda claramente demostra cu Corte no ta vacila

mas den casonan di droga. Droga ta pone e salud di un hende na peliger y ta fomenta criminalidad. Pesey Corte ta impone castigonan halto pa asina logra un Aruba liber di droga.

Awe Ministro Mansur ta viaha pa Brazil y Argentina

ORANJESTAD(AAN) -- Awe Ministro Mansur encabezando un delegacion lo viaha pa Argentina y Brazil pa duna un presentacion similar cu esun cu recientemente a worde teni na

Hulanda.

Durante e presentacion aki enfasis lo worde poni ariba e compania anonimo financiero esta A.V.V.

Ministro Mansur a enfatisa cu

den pasado un delegacion a bishita Argentina y Brazil y informalmente a informa cu e leynan ta biniendo y cu e posibilidadnan ta habri.

Den e contactonan cu a worde

estableci durante e bishita anterior por a constata cu ta reina un interes grandi. Segun Ministro Mansur mas o menos 150 persona a inscribi pa e seminario na Argentina.

Ministro Mansur ta kere cu e parti Sur di Sur America tin necesidad di un vehiculo financiero manera A.V.V. y tin speranza cu despues di e seminario por nota reaccion.

3 luna di prison pa homber cu a comete atraco

ORANJESTAD(AAN) -- Corte den prome instancia a trata e caso contra e homber F.C.-C., kende ta worde acusa di a comete atraco dia 1 di Juli

1988.

Juez mr. Lafleur a lesa e proces verbaal caminda ta para cu C. a ranca placa for di man di e homber T. kende tabata

drumi banda di un negoshi den Emmastraat.


F.C.-C. a duna di conoce na Juez cu solamente el a coy 50 Florin. Segun Juez, e homber T.

a declara cu e tabata tin mas cu 300 Florin den su man.

Fiscal mr. van Wijland a bisa cu a keda legalmente proba cu F.C.-C. a ranca placa for di man di e homber T. y pa tal hecho e ta exigi 5 luna di prison kitando e tempo cu acusado a pasa den

detencion preventivo.

Juez a dicta sentencia inmediato y a bisa cu teniendo na cuenta cu ta prome biaha F.C.-C. a cay den man di justicia e ta condene na 3 luna di prison. Esaki ta significa cu C. a haya su libertad.



Ayera tardi HarbourTown a yega e punto mas halto. Tabata presente Sr. Bob Swain, algun Ministernan y demas invitadonan hunto cu e trahadonan di Camar. Sr. Leo van Veen a hiza e bandera di Aruba y sr. Rodney Marrug a hisa e bandera di HarbourTown. Sr. Bob Swain a dirigi su mes na e empleadonan di Camar, gradiciendonan pa e bon trabao cu nan ta haciendo y den un tempo record.

Tarifa nobo di servicio postal

ORANJESTAD(AAN)- Dia prome di October proximo, Servicio Postal di Aruba lo introduci un tarifa nobo cual ta Surface Mail Airlift (S.A.L.).

Ta trata aki di un tarifa special pa manda cu avion postpakket drukwerk y petit paquets, cu pa nan naturaleza ta ser manda cu bapor.

Actualmente e servicionan aki

ta valido exclusivamente pa Hulanda y Antiyas, pero ya ta den proceso pa extende e servicionan aki pa otro paisnan tambe.

Pa mas informacion por tuma contacto cu srs. Hector Quilotte of Jaime Lacle na Postkantoor na Oranjestad na telefoon 21900 ext. 28 of 34.

Mihor contacto entre cliente y servicio postal

ORANJESTAD(AAN)- Pa facilita y mehora e contacto entre cliente y empleadonan,

Servicio Postal a instala den e telefoonsel parti panoord den *Sigui lesa pag. 20*